

## UGOVOR

### O PRUŽANJU USLUGA IZNAJMLJIVANA PROSTORA I ODRŽAVANJA VHF REPETITORA JU ZAVOD ZA HITNU MEDICINSKU POMOĆ KANTONA SARAJEVO

Zaključen između:

1. JU Zavod za hitnu medicinsku pomoć Kantona Sarajevo,  
ul. Kolodvorska broj 14., 71 000 Sarajevo, BiH  
kojeg zastupa mr. Sci. Dr. Adem Zalihić (u daljem tekstu Korisnik usluga)
2. MIBO Komunikacije, d.o.o. - Sarajevo,  
Ul. Tvornička br. 3, 71000 Sarajevo, BiH  
kojeg zastupa direktor Marko Boštjančič (u daljem tekstu Davalac  
usluga).

Zajednički naziv za Korisnika i Davaoca usluga je Ugovorne strane.

#### I PREDMET UGOVORA

##### Član 1.

Predmet ovog Ugovora je regulisanje međusobnih odnosa Ugovornih strana u vezi sa iznajmljivanjem prostora, redovnim napajanjem električnom energijom i tehničkim održavanjem repetitora Korisnika usluga na RR objektu Bosut. Pored prostora u objektu, Davalac usluga obezbjeđuje i mjesto na antenskom stubu RR objekta za montažu antene.

##### Član 2.

Ugovor se zaključuje na period od jedne (1) kalendarske godine, a primjenjivat će se od 01.09.2019. godine. Ugovor nastavlja da vrijedi i nakon isteka definisanog perioda, na neograničeni period, osim ako se u međuvremenu ne potpiše novi ugovor ili jedna od ugovornih strana ne zatraži prekid ugovora.

#### II OBAVEZE UGOVARAČA

##### Član 3.

Davalac usluga se obavezuje da će repetitor biti kontinuirano napajan električnom energijom i da će Davalac usluga vršiti redovno tehničko održavanje istog.

##### Član 4.

Davalac usluga, pored obaveza redovnog održavanja repetitora jednom godišnje će izvršiti pregled, mjerenje i servisiranje radio komunikacijske opreme u vlasništvu Korisnika usluga u svom servisu u Sarajevu, a sve prema odredbama ovog Ugovora, pravilima i standardima iz oblasti radio komunikacija. Prilikom servisiranja radio uređaja, utrošene rezervne dijelove plaća Korisnik usluga prema važećem cjenovniku.

#### **Član 5.**

Davalac usluga se obavezuje da će pristupiti otklanjanju kvara na repetitoru najkasnije u roku od 90 minuta od momenta usmene prijave kvara radnim danima, odnosno najkasnije 3 sata za dane državnih praznika, subotom ili nedjeljom.

Davalac usluga se obavezuje da će sve kvarove na repetitoru otkloniti odmah po izlasku na teren, osim ukoliko priroda kvara ne zahtijeva duži rok.

U situaciji kada popravak kvara na repetitoru iziskuje duži vremenski period, Davalac usluga se obavezuje da će iznaći odgovarajuća alternativna rješenja, kako se ne bi, na bilo koji način, ugrozilo nesmetano vršenje djelatnosti Zavoda za hitnu medicinsku pomoć.

Troškovi ugradnje rezervnih dijelova i transportni troškovi padaju na teret Korisnika usluga, osim ako je šteta nastala usljed otuđenja ili više sile.

#### **Član 6 .**

Ugovorne strane su se sporazumjele da niti jedna od njih ne snosi nikakvu odgovornost niti troškove za eventualnu štetu pričinjenu ratom, elementarnim ili drugim nepogodama koje nisu uslovljene ili izazvane njihovom krivnjom, niti za bito kakvu štetu uzrokovanu događajima i okolnostima na koje Ugovorne strane nemaju nikakav uticaj.

#### **Član 7 .**

Korisnik usluga prijavljuje kvar usmenim putem sa broja telefona: 033/611-111 od strane odgovornog lica, odnosno odgovornog ljekara smjene, na broj telefona odgovarajućeg lica kod Davaoca usluga gosp. Hasović Dževada na broj: 033/779-360, odnosno na brojeve mobitela: 062/530-177; 062/534-190, u dane državnih praznika, subotom ili nedjeljom, a koji moraju biti dostupni za pozive Korisnika usluga 24 sata na dan.

Nakon što Korisnik usluga prijavu kvara izvrši usmeno, ostaje u obavezi isto prijaviti i u pismenoj formi radi evidencije putem faxesa na broj: 033/627-531 ili na e-mail: [service@mibo.ba](mailto:service@mibo.ba).

Korisnik usluga razumije i prihvata da protek vremena neće stvoriti nikakve suvlasničke odnose, niti bilo kakve druge odnose osim onih definisanih u ovom Ugovoru, te da protekom vremena Korisnik usluga neće steći nikakva druga prava osim prava koja su usaglašena u ovom Ugovoru, te se obavezuje da po prestanku ili raskidu Ugovora neće potraživati nikakva

vlasnička, suvlasnička niti bilo koja druga prava, niti bilo kakvu nadoknadu zbog nepostojanja i/ili sticanja istih.

#### **Član 8 .**

Ugovorne strane razumiju i prihvataju da sklapanjem ovog Ugovora ne nastaje nikakvo zajedničko vlasništvo, partnerstvo niti bilo koji drugi odnos osim Zakupnog odnosa definisanog ovim Ugovorom.

#### **Član 9 .**

Korisnik usluga se obavezuje da će svakog mjeseca na ime izvršenih usluga uplatiti iznos od 351,00 KM (tristotinepedesetjedan i 0/100 KM) sa PDV-om, za žiro račun kompanije MIBO Komunikacije d.o.o. – Sarajevo i to: SBERBANK BH d.d. – 1401020011330457, a na osnovu dostavljenog računa, te da će uplatu izvršiti najkasnije do 7. u mjesecu za prethodni mjesec, a sve prema ponudi Davaoca usluga broj: 1437-19.

### **IV RJEŠAVANJE SPOROVA**

#### **Član 10 .**

Ugovorne strane su saglasne da sva eventualno sporna pitanja rješavaju u duhu dobrih poslovnih običaja i uzansi, štiteći obostrane interese.

U slučaju nemogućnosti zajedničkog rješavanja eventualno nastalog spora, ugovorne strane priznaju nadležnost Suda u Sarajevu.

### **V ZAVRŠNE ODREDBE**

#### **Član 11 .**

Ugovor se može prekinuti na zahtjev jedne od Ugovornih strana s tim da se zahtjev za prekid Ugovora podnosi pismenim putem najmanje 30 dana unaprijed.

#### **Član 12 .**

Ovaj Ugovor je sačinjen u četiri (4) istovjetna primjerka, od kojih svaki primjerak ima snagu originala, a svaka od Ugovornih strana zadržava po dva (2) primjerka za svoju arhivu.

**DAVALAC USLUGA**

MIBO Komunikacije d.o.o. – Sarajevo

pomoć

DIREKTOR

Marko Boštjančič, dip.iur.



Datum: 02.09.2019.godine

Broj protokola: 240/19

**KORISNIK USLUGA**

JU Zavod za hitnu medicinsku

DIREKTOR

mr. Sci. dr. Adem Zalihić



Datum: 11.09.19

Broj protokola: 322/19

11.09.19